

Mense novembris, die quinto, defunctus est Constans imperator, filius<sup>(a)</sup> Eraclii, nepos Pogonatis<sup>(b)</sup>, in Saracusa<sup>(c)</sup>, urbe Sicilie<sup>(d)</sup>, violenti obitu, et positum est corpus eius in eadem urbe Siracusana, in monasterio Sancti Gregorii. regnavit ann. .xx.

Mense iulii, decimo die, defunctus est Constantinus imperator, 5 filius<sup>(e)</sup> Pogonis, propria morte, et positum<sup>(f)</sup> est corpus ipsius in templo Sanctorum Apostolorum, in sacrario Magni Iustiniani, in pila thesalonicis lapide<sup>(g)</sup>, cum uxore sua Anastasia. regnavit ann. .xvii.

Mense novembris, die<sup>(h)</sup> .xxiii., defunctus est Iustinianus im- 10 perator nasu<sup>(i)</sup> trunco, qui antea eiectus est<sup>(k)</sup> ex imperio e Leontio et postea reversus est in ipso imperio, et interfectus est in Damatri ab Helia quondam Chersonitum, et corpus eius proiectum<sup>(l)</sup> est in mari. regnavit cum Anastasia, uxore eius, ann. .xvi.

Mense februarii, die .xv., defunctus est Leoncius<sup>(m)</sup> imperator 15 violenti morte per Iustinianum naso trunco et Absimario<sup>(n)</sup>, et proiecta sunt corpora eorum in mari, et, reperta, posita<sup>(o)</sup> sunt in insula Proti, in ecclesia, que illic est. regnavit ann. .iiii.

Mense augusti, die .xxi., proiectus est de imperio Absimarus, qui et Tyberius<sup>(p)</sup> dictus est, a Iustiniano nasu<sup>(q)</sup> trunco et inter- 20 fectus est<sup>(r)</sup> insimul cum Leontio<sup>(s)</sup> in ipso ypodromio, et proiecta sunt corpora illorum in mari, et reperta atque<sup>(t)</sup> sepulta sunt in insula Proti. regnavit ann. .vii.

Mense ianuarii, vigesima die<sup>(u)</sup>, defunctus est Guardarius<sup>(v)</sup>, qui et Phylippus<sup>(x)</sup> dictus est, et<sup>(y)</sup> excecatus a Theodoro patricio et 25 Theodoro<sup>(z)</sup> stratego, et sepultus est in monasterio Damacii. regnavit ann. unum et dimidium<sup>(aa)</sup>.

Mense iunii, primo die, Arthemius, qui et Anastasius dictus est<sup>(bb)</sup>, ex<sup>(cc)</sup> imperio a Theodosio Adramitinum exiliatus est<sup>(dd)</sup> in Saloniky<sup>(ee)</sup>, et ipse Theodosius a Leo sabro capite truncatus<sup>(ff)</sup> est, et 30

(a) *Va D filii* (b) *Va nepus cogonatis* (c) *D Saracusana* (d) *D Scicillie*  
 (e) *Va D filio* (f) *Va D positus* (g) *Va D lapidem* (h) *Va D dies* (i) *S nasus*  
 (k) *D om. est* (l) *D Va proiectus* (m) *S Leuncius* (n) *D Va truncum et absimarii*  
 (o) *S reposita* (p) *S D Tiberius* (q) *D naso* (r) *S fuit D Va interficitur* (s) *D*  
 Leocius (t) *D reperta sunt aque* (u) *Va dies* (v) *S Gardarius* (x) *D Va Phylippus*  
 (y) *D Va om. et* (z) *D om. patricio et Theod.* (aa) *D Va a. .ii.* (bb) *Va om. est*  
 (cc) *D et* (dd) *Va om. est S agg. e corr.* (ee) *S Va Saloniki* (ff) *Va trunchatus*